



UNIVERSITÄTS-
BIBLIOTHEK
PADERBORN

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Num. 74. Formula Instrumenti Professionis emissæ.

[urn:nbn:de:hbz:466:1-64103](#)

Et coram altari genuflexus intonat. *Veni Creator. &c.* Aliis prosequentibus. Hymno finito subdit :

Vers. Confirma hoc Deus. *Reff.* Quod operatus es in nobis. *Vers.* In Conceptione tuâ Virgo immaculata fuisti. *Reff.* Ora pro nobis Patrem, cuius Filium peperisti. *Vers.* Signâsti Domine servum tuum FRANCISCUM. *Reff.* Signis redemptionis nostræ. *Vers.* Ora pro nobis B. Elisabeth. *Reff.* Ut digni efficiamur promissionibus Christi.

O R E M U S .

DEUS, qui corda Fidelium S. Spiritûs illustratione docuisti; da nobis in eodem Spiritu recta sapere, & de ejus semper consolatione gaudere.

DEUS qui per immaculatam Virginis Conceptionem dignum Filio tuo habitaculum præparâsti, quæsumus: ut, qui ex morte Filii sui prævisâ eam ab omni labe præservâsti; nos quoque mundos ejus intercessione ad te pervenire concedas.

DEUS, qui Ecclesiam tuam B. FRANCISCI meritis factu novæ prolis amplificas; tribue nobis ex ejus imitatione terrena despicere, & cœlestium donorum semper participatione gaudere.

Tuorum corda Fidelium Deus Miserator illustra, & B. Elisabeth precibus gloriofis fac nos prospera mundi despicere, & cœlesti semper consolatione gaudere.

DEUS, qui à sæculi vanitate conversos ad bravium supernæ vocationis accendis; pectoribus nostris purificandis illabere, & gratiam nobis [quâ in te perseveremus] infunde: ut protectionis tuæ muniti præsidiis, quod te donante promisimus, impleamus, & nostræ Professionis Sectatores effecti, ad ea, quæ Perseverantibus in te promittete dignatus es, pertingamus. Per Christum Dominum nostrum.

Deinde prosequitur Missam more solito; & tempore consueto Profitens sumit Communionem; finitóque Sacro datur Benedictio, canendo: *Genitori. &c.*

Denique nomen Professi, (Professæ) juxta Ordinationes inscribatur catalogo Confratrum. Sique ipse [ipsa] Profitens calleat scribere, propriâ manu annotet nomen suum, præsentibus aliis Confratribus (Sororibus) addens annum, mensem, diem Professionis. Si autem sit scriptio, vel lectionis ignarus; (ignara) Formula Professionis scribatur tenore seqnenti.

Formula Instrumenti Professionis emisse.

*In Nomine Domini nostri JESU Christi.
Amen.*

LXXIV. **A**nno à Nativitate ejusdem millesimo. Septingentesimo &c. Pontificatus D. N. Papæ. N. Anno N. In civitate N. Præsentibus N.N. Testibus ad hoc vocatis, & specialiter rogatis.

N.N. Personaliter constitutus coram honesto viro N. Ministro F.F. & Sororum de Pœnitentia, dixit, se habere sufficientem notitiam omnium, ac singulorum in ea contentorum, & callere normam vivendi in ipsa Regula per S. FRANCISCUM traditam, quam integro jam anno expertus probavit, adeoque sibi eam admodum placere, sequere velle ipsam vivendi normam assumere, & in ejus observantia pro viribus firmiter persevere. Quem in finem prædictum Ministru instanter postulavit; ut ad Professionem dicti Ordinis reciperetur, aliisque Fratribus, & Sororibus dicti Ordinis aggregaretur.

Qui Minister auditâ petitione dicti N. factaque relatione [præfati Ordinis] fide dignorum de bona ejus fama, conversatione honestâ,

honestā, vitāque & genere laudabili, prævio debito scrutinio & consensu majoris partis Fratrum (Sororum) præmisso etiam debito examine, de omnibus necessariis, in Regula contentis, ac per Ministrum eidem N. clare expositis omnibus gravaminibus subeundis, devoto ac laudabili ejus desiderio annendum censuit. Quare dictus (dicta) N. humiliter flexis genibus, juncūisque manibus, divino instinctu, proprio consensu, & ex certa omnium necessiariorum scientia, inter manus Ministrii, vel deputati Recipientis, libera, clarāque voce Regulam III. Ordinis de Pœnitentia professus (professa) est; ac promisit Deo omnipotenti, B. MARIAE semper Virgini, B. FRANCISCO, omnibus Sanctis, & Patri recipienti; se toto tempore vitæ suæ servaturum (servaturam) Regulam Fratrum ac Sororum de Pœnitentia, per D. Papam Nicolaum IV. confirmatam, & satisfacturum [satisfacturam] pro omnibus transgressionibus contra hunc præscriptum vivendi modum committendis; si interpellatus [interpellata] per Visitatorem fuerit.

Quam Professionem dictus Minister N. suscepit; & Profitentem N. Fratribus & Sororibus III. Ordinis de Pœnitentia aggregavit, volens & mandans; quatenus Neo-Professus (Professa) nunc & deinceps uti, & gaudere possit omnibus & singulis beneficiis, favoribus, privilegiis, quibus alii Confratres & Sorores III. Ordinis de Pœn. quolibet tempore utuntur, & gaudent. Datum. &c.

*Forma Absolutionis Generalis
in IV. anni Festis dari solita.*

LXXV. **D**ominus noster JESUS Christus per Merita suæ sacratissimæ Passionis vos absolvat, & gratiam vobis copiosam infundat. Et ego auctoritate ipsius, ac B.B. Apostolorum, Petri, & Pauli, ac sum-

morum Pontificum, mihi in hac parte commissā, & vobis concessā; absolvō vos ab omni vinculo excommunicationis majoris, vel minoris, ab omnibus aliis censuris, & pœnis ecclesiasticis, si quas per delictum incurristis, & restituo vos Sacramentis Ecclesiæ, & unioni, ac participationi Fidelium. Item eādem auctoritate (quantum ad præsens forum spectat) absolvō vos ab omnibus peccatis vestris, contra Deum, Proximum, & animam vestram, scienter, malitiosè, vel ignoranter commissis; & concedo vobis Indulgentiam plenariam omnium peccatorum, confessorum, & oblitorum. Denique relaxo vobis omnes pœnas Purgatorii, quas pro peccatis commissis meruistis; & restituo vos illi innocentia; in qua eratis, quando baptizati [baptizatae] fuistis in nomine Patris, & Filii, & Spiritus S. Amen.

Secunda pro Profitente in particulari.

LXXVI. **D**ominus noster JESUS Christus per suam püssimam misericordiam, & per Merita suæ sacratissimæ Passionis te absolvat; & gratiam tibi copiosam infundat. Et ego auctoritate ipsius, ac B.B. Apostolorum Petri & Pauli, & summorum Pontificum tibi concessā, mihique in hac parte commissā; absolvō te ab omni vinculo excommunicationis majoris, vel minoris, & cujuscunque alterius Censuræ, si quam incurristi; nec non ab omni transgressione Mandatorum Dei, & Ecclesiæ; simul & ab omnibus peccatis tuis, in quantum se claves Ecclesiæ ad hoc extendunt; & restituo te eidem innocentia, quam in Baptismo acquisiveras; impertiōrque tibi Indulgentiam plenariam, In Nomine Patris. &c.

Tertia pro Mortis Articulo dari solita.

LXXVII. **Q**uia aliqui Pontifices Indulgencias plenarias Tertiariis,

M 2

in